






R54
3416











Ulrichs von Hutten verteütscht clag

An Herzog Friderich zu Sachsen. Des heyligen Römischen
Reichs Erzmarschalck vnd Churfursten
Landgrauen in Thüringen/ vnd
Marckgrauen zu Meissen.

Handwritten text, likely bleed-through from the reverse side of the page. The text is mirrored and difficult to decipher but appears to contain a title and some descriptive information.

85-16.78

R 5413416



Die verteütschet clag Ulrichs von

Huten an Hertzog Friderich von Sachsen.

Drehtenchtigster hochgebornet Churfurst gnedigster hertz
Nun sich ich erst das man sich muß ernstlich gegenn der
Romischen tyranny stellen/setzen/ vnd sperren. Nun erst
weil vnser brieder die Romanisten so dick vnd offte bruderlich ver-
manet vnd erinnert/ so dick vnd offte durch gut gegrunt vsachert
vberwunden/ die ding vnd sachen so vns beschweren nie allein lins
der handlen/sonder auch all hendel auff alle geschwindest furne-
men. Hat E. C. G. nit gehört das begert vnd gesucht wirt/ mich ge-
fangen gen Rom zuschicken/ vnd was das sey/ vnd wie wol es inen
anstee/ zimme vnd gebire/ sicht E. C. G. Sy haben auch yetzo/ mein
lieber got/ wider Doctor Martinum Luther/ wie ein gewaltsame/
wie ein grausame vngutige vnd grimmige Bullen außgon lassen/
also daß man es eigentlichenn mag sagen es sey Lewen geschray/
welches so die vnseligen schaff des herren Christi horen es nit als ein
gutige stym des herten erkennen/sonder darvor gleich als vor einer
blutigigen stym eines wilden vnd grausamen betrieglichen vñ fer-
lichen nachtrachters/erschrecken. Wañ wa ist doch in it ein einiger
fußstapf oder anzeigung der Christenlichen senffmutigkeit/wa ist in
it ein einige erengung der demut der heyligen zwelfspotē/ also grim-
miglich schreyet er/ also robet vnd wutet er/ aber sein grimmigkeit
erengt sich so daß am aller mey sten/ wañ er wie daß offte in der sel-
bigen Bullen geschicht/ sich fur ein andern angibt/ vnd listiglich
stellet als meyner er es gut vnd treulich/ wie daß dise maynung ist/
das er den Luther mit so guten worten gen Rom erfordert/ eben als
so were vns verborgen/ wie er mit vns handlen vnd vmbgan wurd.
Wañ eintweders der Luther sich vberreden ließ/ vnd williglich gen
Rom keme/ oder ich mit gewalt gezwungen dahin kommen muß.
Derhalben so Doctor Martinus Luther mit folgenn wil so wirt er
nymet mer dahin komen/ da er ungezweyfelt gemartert wurd. Aber
das nympt mich groß wunder/ wer das den Leo den zehenden vber-
redt habe/ so ich so leichtlich mocht gefangen/ vnd gefangen miten
auß Germanien oder Teutschem land vber das vnwegsam walsch
gepürg gen Rom gebracht werden. Vnd weñ er es gleich vermochte

ist daß das eines hirtten/ist das eines bischoffs/ ist das des statthal-
ters Christi ampt vnd gebur/nicht beclagen/nit verhozen/sunder zu
stund vnnnd erstlich zu der marter ein Christlichen menschen ziehenn
vnnnd tringen. Aber die gantz schuld vnnnd das gantz laster ist vnser
selbs das wir die Euangelisch vnd gotliche leer von inen vor langest
vmb ires gewins vnd eygen nutz willen veraltet/vnd schier außges-
tilget/vns vnderstanden haben wider zu irer krafft vnd macht vnd
frem liecht zu bringen/vnnnd das wir vnser Teutschland der vnder
allen nation in der gantzen welt die freyheit am meisten gebürt/nit
gestatten dienstbar zu sein/das hat diesem hirtten mißfallen/ aber es
hat dem herren Christo wol gefallen. Was hat dem Romischen hoff &
durch den geertz verderbt ist/geschadt. Aber es hebt nun an zum frü-
men vnd nutzen vnserm vatterland/das nun langezeit der freyheit
mangelt. Wir haben auch nit eines yeden begir mißgen willfaren/
als wir wolten got dienenn. Vnd als wir wolten vnserm vatterland
helffen vnd raten/haben wir es mit der Curisan vnd Romanisten
birtnuß vnd junfft nit kunden halten/darumb haben die Romanistē
kein frid mit vns (daß das ist ir meynung) wann wir haben frid mit
der warheit. Darumb sag ich. Wir müssen vns endlich mit ernst vnd
schwind gegen inen setzen/weil wir auffs hochst von inen beraubt
vnd geblundert werdenn/vnnnd ir bößheit auffs grost erwachsen ist.
Vileicht auch auß diser vsachñ/das es zeit ist/das der herz alle hoch
fertige besuche/der da vber das geschwell gat/der da erfüllet das
haus got des herren mit der vngerechtrickheit vnd betriglicheit/vnnnd
die kron der hoffart der truncknen Eßtraym zertretten werd. Dañ
mich betriegñ daß alle ding/so ist es gantzlich nahent daß das groß
Babylonien zerfall vnd vergee/ein mutter der hurerey vnd buberey
vnd der aller greulichesten vnmenschlichen handlung des erdreichs/
welche das erdreich hat durch ir hurisch vnwesen vergifft vnd ver-
derbt. Ja der Romisch stul der alles vnflats vol ist/der mit allenn
vbelhatenn verhefft ist/welcher wiewol er auffs aller vngemessē
des herren Christus leer lebt vnnnd handelt/dennocht sich berümbt
hie auff erden des herren Christi stat auff erden halten/vnd sich al-
lein berümbt vnnnd außruuffet fur ein haubt der gantzenn Christenli-
chen kirchen. Ja der selbig Romisch stul wil allein die gantz Christ-
lich kirch sein vñ zeiget sein abgot der welt/den verummelten Apoc

flolischen oder Papsst/der wiewol er lautter nichts dan die kunige
reich der vergenglichen zeit/vnd die reichumb diser welt vnd wol-
lust des leibs achtet/vñ vmb der selben willen krieg fieret/vnd blue-
vergenst/dennocht den Christglaubigñ augen die schliffel furwirfe
vnd furgibt den hymel zu verschliessen vnd auff zethun mit so gros-
sem durst/das er auch die heilige vñnd hymelische ding vns teglich
vmbß gelt verkaufft/oder weñ es jm geliebt vñnd gefelt die selben
verbent auch den frumen/warlich es wirt fallē/ es wirt fallen. Ich
laß mich auch beduncken ich hor yetz dise stym vom hymel herab/
die vns wider dis vilhepzig grausam wild thier errege vñ sprech-
Gebt jm wider vnd thund jm vergeltung/wie es euch vergolten hat
vnd zwifacht die zwifachen nach seinen wercken/in dem tranck dar-
mit es euch gemischt hat vermischet jm zwifach/so vil es würdig/vñ
in wollust gelebt hat/so vil marter/leid/pein/vnd betrubnuß ver-
mischet jm/dan es sagt. Ich sitz ein kunigin/vnd bin nit ein wittib/
vnd wird kein leid vnd clag sehen vnd der gleichen. Das muß ein-
weders also sein/oder aber ich wird in dem ding (das der warheit
wunder ser einlicht)betrogen. Nochten nun dise ding noch hoher zu
nemen/oder weyl sy nit hoher mogen steigen/vnd auffß hochst ober-
beufft seint/solten sy nit zertrent werden/solten sy nit fallen. Aber
wer wil das rechnen wer wil diß alles also verderbt/also vergifft/
also verrukt widerumb rechtfertigen/bessern/vnd auffrichten. Soll
es got thun/sicher got wirt es thunn. Aber durch die hend der mens-
chen/wie hienor zu mer malen geschehen ist. Wa seind nun jr fur-
sten vnd herren.was thund jr darzu/mit was rat/mit was beystand
erzaiht jr vns hilff. Heuor E. C. G. welcher von wegen erblicher vñnd
angebormer gerechtikeit zustat vñnd gebürt der Teutschen nation frey-
heit zu vnderhalten. Was gibt die fur ein rat hie zu. Durch welchen
weg hilfft sie vns. Welchen zugäg nimpt sy ein. D wolt got dz eint-
wedert jr den mut sñ vñ willen hetñ/die jr dz vermügē habt/oder
aber dz wir des vermügēs weren die de willen mut vñ syñ habñ/dz
wir mit laß dem seligmacher des menschlichen geschlechts strittñ
diß vilhornig wild thier/ein gemein beschwertig 8 gantzē christebeit/
welches yetz mit grosser macht die warheit bekriegt/die frumē gotz
forchtigñ heyligē leut beschwert/die freyē in gefencknuß gefurt/vñ
sere guter vñ reichnūb außgeschepfft/die hab vorschindt/der gantzem

Christenheit sitten durch sein böß exempel vñnd vorbild verderbt/
vñd von den der namen in dem buch des lebens nit geschriben seind
angebet wirt/die zu vns sprechen. Wer ist diesem thier ainlich/ vñnd
wer vermag mit im zu streiten. Derhalben huy jr die das vermittgñ
habent/kompt vns zu hilff/ vñd weñ jr auß vnser ermanung ein ge-
mut genomen habt/ so teylt vns dargegen widerumb euwer macht
mit/ daß durch dise weg vñ weiß wirt dise krankheit geheilet wer-
den. Warlich ich wil allzeit euwer getrewer ermaner vñnd anteger
sein/ vñd so lang bey euch bleiben biß ich sich das jr eintweder wi-
derumb die sterck vñ manlich vest nit annemen oder aber vermerck
daß jr der stercke nit empfenglich seyt/ denn so wil ich einn andere
artzney fur dise krankheit suchen/ ich bit aber daruor zu sein das es
nit geschech. Nit allein darumb das jr es auffß leichtest vermittgt/
sonder auch das es auß aller schentlichest vñd vnerlichest ist /das
gemeinn Regiment durch ander daß durch die hauptfursten vñnd
herren widerumb zu erheben. Wir werden nicht allein geweltiger/
die wir vns vnderstanden haben ermanung vñd erinnerung zehun/
sonder sy beflissen sich jertz alle menschen vnder zerrucken. Ir solt
das auch nit leiden/ als die freyen leut. So solt jr auch diesem als die
Fursten furston. Carho der elter hat in vor zeitren zu Rom gesagt/
die Amptleut vñd Regenten solt man nit steinen zu tod werffen/ die
gewalt vermochent zu erwerben vñnd erwertens nit. So hoch vons
noten hat er diß ampt im gemainen nutz gehalten/ wie vnerlich
aber wie schentlich vñnd vnerlich ist es/ das die Nation die da ist
ein Kunigin aller Nation vemärs (vil weniger den mußigen pfaf-
fen) dienstbar sein sol. B wolt got das wir darfur den Turcken vñs
derthenig weren/ die doch menner seind vñd seer gestreng vñd vest/
so krieges erfarenn als kaum yndert ein Nation/ damit mann dise
schuld dem glick das im krieg seer groß macht hat zu messen müg
Ja die Turcken regieren auch guetiger/ vñd seind gegen iren vnder-
thonen senfftmütiger/ so streitten sie auch nit vmb den glauben vñd
gotlichen dienst/ sonder kriegen vmb die furstlichen oberkeit. Aber
dise vnser herren was setzen sie doch fur ein maß vñd end zu raubern
vñd blündern schinden vñ schaben/ vñd wer kund doch den gotlichen
dienst also mit fussen treten/ als eben die so wiewol sie die oberkeit
in gottes dienst haben/ gerad wider den herren Christum vñnd die

warhaffrigen gottsforcht lebenn. Warlich ich schenck mich vnser seer
so oft ich sich daß der Bischoff zu Rom hie auch den Fursten etwas
gebeut/ doch thut das der Papst als oft es im gefelt vnnd geliebet/
vnd so oft es im dienstlich vnnd zuregliche ist. Vnnd als ich sich so
layst jr im gehorsam/ allein daß E. C. G. Doctor Martin Luther vñ
allen menschen verlassen halter vnnd geacht wirt in im ernewert
vnnd vnderhalten ein funcken der alten stercke vnnd feste/ welcher
einst mocht das aller heilwertigest feurwer anzunden. Derwegen
E. C. G. ich mit gar vnderthenigem fleiß erman vnd bit/ diß bestens
digklich zethun/ vnd von beturtem furnemen nit zu ston. Nit allein
darumb das es also sein muß/ sonder auch das man in diser sachen
zu niemants anderem mer vnd baß hoffnung haben mag. Wan die
Sachsen seind alle zeit frey gewesen/ alle zeit vnuberwindlich. Ja
wen oft schier das gantz Germanien vnnd Teutschland bekriegt ist
worden/ so haben die Sachsen allein die fremden herren abgeriben
vnnd sich aller dienstbarkeit gewidert. Wan ich zel vnder euch die
Westphalen vnnd die so in vor zeitten die Cherusci vnnd Cauci ge-
hassen/ ein merckliche erzeigung irer manlichen gemut vnd gethat
in dem Romischen krieg gethon/ vnd Teutschen landen den Armi-
nius geben haben/ den aller besten vnnd aller stercksten haubtman
der ye auff erden gewesen ist/ welches lob er auch von den feinden
erlanget hat. Welcher nit allein sein vaterland/ sonder gantz Ger-
manien vnd Teutschland auß den henden der Romer die zeit do sy
am mechtigsten vnnd reichsten waren erlediget vnd gerissen/ vnnd
die Romer mit vil vñ vngeworren schlachten darnider gelegt/ man-
lich vertriben vnd veriaigt. Derhalben der selbig vnser erloser/ was
meint er was helt er yetz in ihener welt/ wen er sieht/ weil er die ver-
sten Romer vñ herren der welt hie nit hat lassen herschen vñ regiern
vñ vns sieht den verzagten pfaffen vnd weibischen bischoffen dienst-
bar vnd vnderthenig sein. Solt er sich nit seiner nachkomen schemen.
Was seind euwer keyser Strones fur menner gewesen. Ja auch
keyser Trautichen/ auch euwers geburts/ geschlechts/ vnnd stam-
mes. Weiter im krieg der mit keyser Karel dem grossen ist lenger
dan dreissig iar gefuret worden/ was ist vor grosse stercke/ was fur
grosse vest der Sachsen erfahren worden. Setzet auch darzu die so die
letzte hauffen der Goten umgebracht vnd erschlagen habenn / dan

Es seind auch Sachsen gewesen / auch die Britanien oder Engelland
land bekriegt vnd gewonnen haben / vnd nach vertreibung der in-
woner / die Engellender von inen vnd Schotten darein gesetzt. Was
sol ich auch von den alten Cimbris vñ Teutones sagen / die vor zeiten
mit grossen schaden der stat Rom auß ewern landen in Italien
gefallen seind. folgend o wie offit sein die Sachsen in Italien gezo-
gen / wie offit habenn sy zusampt andern Franckreich verhorzt / vnd
Hispanienn auch darneben angriffenn. Ja man findt auch das die
Sachsen mit den Sarmaten redlich gekriegt haben / vnd was vnd
wie hochrumliche sig haben E. C. G. Sachsen zu mermalen von den
Heunen / vnd darnach auch von den Ungern erhalten. Ich vbergee
vil geschichten mit vorsatz vnd willig / daß es ist gnug diß einigen
gedacht haben / das allein die Sachsen nie keiner frempten Nation
vnderthenig vnd dienstbar gewesen ist / das sich gebürt euch zu sehen
vnd bedencken / auff das weil euwer vorfordern so theur lent gewes-
sen seind / ir nichts thut / das euwerm geschlecht vbel anstunde. Ist
wol war / ir habt das joch auff euch genomen von den Pepsen vnd
Bischoffen / eben wie die andern all durch den vnglauben erwaicht.
Weil man aber dise beschwerung mag achten fur ein solchē last. die
vileicht durch ordnung des hymels lauff die gantz Christenheit in
gemain hat sollen vbergon / dennocht werden ir dise vner leichtlich
mit einer neuwen aufleschenn / wañ ir haubtsecher seind der aller
feinsten vnd erlichsten that / damit durch euch die gantz Nation wi-
derumb frey werd / vnd Germanienn oder Teutschland widerumb
zu im selbs kom / welches yetz o ewiger herr Christe nit verstat / nit
weyßt was / vnd wie vnbilliche vnd vnerliche ding es leidet vnd
erduhlet / derhalben laßt vns aintweder auffhoren das kaysertumb
vnd oberst regiment der welt vns zu zeschreiben / vnd vns alhie kays-
ser zu erwelen die allein den namē haben so sy doch mit der that am
ferresten darnon seind. Wder aber laßt vns kunlich das bepftisch vñ
kannisch regiment auffheben vnd abthunn. All tugent wie Plato
maint seind frey / allein die bosenn sein würdig der dienstbarckheit.
Solt das besser sein boß sein daß fur die frumste gehalten werden.
Wenn der großthetig feldhauptmann Themistocles yetzo lebet / so
mocht er wider vns das sagen so er vorzeiten wider die Erethrienser
saget / sy hetten das schwert aber sy hetten kein hertz vnd mut / daß

darfur eben ich sich es an. Mich verwundert set / was jr furstenn
vnd herren gedencket / Wen jr sehent mich reuter dise vnbilligkeit so
beschwerlich ertragen vnd verdulden / dan es het vil baß vnnnd mer
euch gebürt / euch darmit zu bekumern. Nun mocht E. C. G. wainen
so weil ewer vorfordern vil loblicher vnnnd grosser gerhatenn vnnnd
geschicht gethon ir kein vsach vnnnd gelegenheit gelassen het / auch
rum eer vñ glorien zu erlangen. Aber sy haben E. C. G. die aller best
vñ aller fruchtbarest gelegenheit gelassen. E. C. G. greif nur kecklich
vnd kanlich darnach. Aber das wir furhaben / wirt nit on mord / nit
on blut vergiessen geschehen / da sehent die auff die vnß verursachen
sy zu verfolgenn / die ich fur gantz würdig achte sy mit dem schwert
zu schlagen / so die andern so dick vnd oft hienor geschlagen haben.
Also pflegen zu mermalen die aller hefftigste krankheit mit den al
ler hefftigsten arzneien zu haylen / also muß mann hie auch thun /
weil es nit anders kan zugon. Aber ich halt es darfur / das E. C. G.
von vnserer schand vnd vneer / welches zum ersten vnd furnemlich
hat sich gebürt zethun gnug eingebildet sey / Aber von dem schaden
vnd nachtail / so wir von der beturten tyranny haben / durffen wir
nit so vil anzeigen thun / darumb daß alle menschen offentlich sehent
vñ verstond / welcher massen er ist. Wir sehen dz in Teutschñ landen
kein gold vnnnd auch schier kein silber ist / weñ aber ein wenig noch
vberbliben ist / dasselbig zeucht 8 allerheyligest Romanisten vñ Cur
tisan rat auffß aller geitzigest zu jm / durch erdichtung newer fiind
vnd tück / vnd weñ er vns etwas abgerissen hat / so wendt er es dan
in den aller ergsten mißbrauch. Dan liebenn Teutschenn ich hab zu
Rom gesehen was vnser gelt machet. Es thut vñ macht etwas. Leo
der zehent gibt des ein teil vberschwencklich seinen vetteren obemen
vnd freunden / deren er also vil hat das ein sprichwort darauß wor
den ist / des Leon zu Rom vetteren vnd schweger. Ein teil verzeren so
vil erwidigsten Cardinel / deren einunddreissig der vater vnd pater
auff ein einigen tag gemacht hat / souil reuerendarij / souil audito
res / prothonotarien / abbreviatores / bepstisch schreiber / kamerer / of
ficiel / vnd der gleichen ander / der obersten kirchen primarenn vnnnd
furnemsten / wañ die selbigen haben an inen mit vberschwencklichē
grossen vnkosten coppersien / bedellen / botten / knecht / kerer / eseltrei
ber / stalknecht / vnd ein vnzellig schar huren / buben / ruffianer / vnnnd

Duplet/so halten sie auch hund/pferd/affen/merkatten/ vnd vil der gleichen vmb des wollusts willen/so bawen sy heuser von ganzem marmelstein/vnnd heaben edel gestein/leben vast wol/vnd kleyden sich kostlich/schlemmen/prassen/vnnd warten irer wollust on alle sorg/kurtzlich vnd in der summa ein merckliche menig vnd anzal der aller boßhaffigisten menschen gat zu Rom durch hilff vnfers gelts vnd guts mussig.Wa selbst ist kein achtung vnd auffhebung des gotlichen diensts/ja ein grosse verachtung.Wer gleichen ich kaum glaub auch bey den Turcken sein/sy betriegen/sy befferen/sy stelen/sy liegen/sy fellschen die sigel/sy reden vnd thund alle ding vmb des gewins willē.Vñ aller die daselbst seind/furnemest ist/nach vnserem gelt vnnd gut mit betrug zu trachten.Sy leben auch darumb das sy essen vnd trincken/vnd auffs aller kostlichest in wollust stecken.vnd dasselbig erheben sy durch vnsern vnkosten.Vmb diser sachen willen durchleuchtigster furst vñ gnedigster herr/schicken wir von hinnen jertlich ein merckliche grosse summa gelts/dennocht verstond wir noch nit das wir das gelt nit verlieren vnd in direct werffen/das wir also außgebenn/ja das nit allein vnser gut vnnd gelt also verloren wirt/sonder vsach wirt vnzelicher grosser vbel. Wemnach geliebt vns zu philosophieren/vnnd thun wie im vorzeiten die philosophi oder weysen gethon haben/vnd wir beschlossen haben das gelt weg zu werffen/so habē wir in der nebe das mer vñ die see/vnd stieffende wasser/bey vns den Men/weiter den Rhein/vnd dort E.C.G.die Elbe/vnd andere wasser mer/laßt vns das gelt daselbst hinein werffen/auff das es mer verloren werd/dann das es allenthalben vil leuten vsach werd irer wollusts/weil wir dise vnnutgent zu Rom darvon erneren vñ halten so vberfluffiglich das da selbst her etwas vberflufft vnd sich ergenst/weil wir dise gemaine pestilentz der sitzen halten/vnnd dise vergiffte vmb sich wachsende suchte des vntugentlichen lebens erneren vnd vnderhalten/aber laßt es vns nit weg werffen/sonder allein nit anderßwabin füren vñ wenden. Wiß wirt der erst vnd best weg/vnd die weyß vnd maß sein benantes tyrannisch oder wurerisch regiment zerstorn vnnd zu vertilgen/dañ weiß man inen dise narung vnd auffenthalt des vberflus entzogen hat/so werden sie sich defter weniger erheben vnd trosten/vnd in gmain glimpfiger vnd guttiger werden. Warnach so wollen wir durch ein

hauptman den alten kayser Orten gemess den bepflichen vnd Cate-
dinel Kat mustern/ vnd die gantz stat Rom besichtigen/ vnd der bo-
sen ser vil vertreiben vnd entsetzen/ etlich wenig verordnen der got-
lichen ampt zu warren/ vnd sy nit lassen herschen vnd regieren. Wenn
kayser so er wil wollen wir den stul vnd den hoff des kayserlichen
regiments wider eintumen vñ geben/ Den Bischoff zu Rom (damit
die bischoff all gleich seyen) wollen wir herab setzen vnd geringer
machen/ den pfaffen wollen wir die zins mindern/ wir wollen sy zu
der messigkeit bringen/ ir weniger machen/ vnd auß hundert pfaf-
fen einen außlesen vnd nemen. Aber was wollen wir mit den ma-
chen/ so die brieder vnd munch genennet werden/ was anders dan
das ich achte/ das man die munch all sol abkun. welches man wis-
sen sol/ das so es geschech gemainer Christenheit ser nutz/ ser gut/
vnd ser furteglich sein wurd. Dan erstlich weñ souil sectenn souil
verfamlung eingezogen/ vnd in ein einigen hauffen gebracht/ souil
vngleichet mainung mit einander verainigt vnd personet werden/
die vngleichet des lebens auffgehoben wirt/ so wirt der hymelisch
vnd innerlich widerwil auffhoren/ so wirt kein vrsach der vertorli-
chen vnd bosen gramtschafft sein/ auch kein verursachung vnd zun-
der des neydes sein/ dan wir werden alle in dem herren Christo ein-
einig ding sein/ es wirt ston vnd bestendig bleiben gemain eintrech-
tig/ vnd wir werden vns alle zusamen thun vnd halten/ damit wir
aufwendig von den anderen vnder schiden seind. So dan wirt kein
werbischer/ bloder/ lustfucher/ oder geiziger wie vitz/ nach geizli-
chen leben vnd pfunden ston vñ trachten/ die frumen vnd geleerten/
die mit dem eyempel vñ vorbild des lebens die andern frummer ma-
chen/ vnd mit der kunst vñ leer vil leyt vnderweisen vñ leren/ wer-
den darzu erfordert/ vnd geizogen werden. folgent/ so werden (wel-
ches zum vordersten zu winschen ist) souil gleichstner auffhoren dem
einfeltigen volck ein gepler vñ spiegel fechte zu machen/ den armen
iren schweyß vñ blut ab zebetlen alle menschn auß zu schepfen/ sich
zufallē/ vnd der falschn gestalt des gotlichē diensts zu betriegē vñ ge-
faren. Sicht E. C. G. nit wie vil arglistiger vñ betrieglicher bubē vn-
der 8 munchs kappn zu weilen grosse bosheit vñ vbelthat treibn/ vñ
d; jertz vil betrieglich habich/ der taubē einfalt furgehē/ vil taubēder
wolf sich stellē als werē sy vnschuldig leblin. vnd welchen doch was

erlich frömer seind/erlich jr new auffatzung vñ fund aberglaublich halten/vnd das so Christus vnser herr auffgesetzt vnd gebotten hat/vnchristlich vbertreten. Wenn dise souil beschwerung so Teutschläd verzeren/vnd ye lenger vñ mer alle ding verschlinden abthon wurden/vnnd den Romanisten vnnd Curtisanen jr freyheit zu rauben/schindenn/vnnd schaben genommen wurd/so wurd hie vil golt/so wurd hie vil silber sein/vñ so vil vns desselben bleiben wirt/so wirt man mügen baß anlegen vnd wenden/als nemlich groß heer vnnd kriegs volck darvon zubalten/das Reich zu meren/auch so es vnns geliebt vnd fur gut angesehen wirt/die Turcken darmit zubekriegen auff das vil die yetz auß armur stelen vnd rauben so daß sich durch besoldung mügen vnderhalten/oder die sunst arm vñ durfftig seind durch verfehung des gemainen scharz sich zu ernewen vnd der armur zu erwerben gehalten. Auch das die aller geleertisten dauon gehalten/vnd die freye vnd gute schrifft leer vnd kunst gefurdert vnd beschutzt werden. Vnd in der sunn/das die tugent belonet werd/vnnd das man ein auffsehen vnd achung hab auff die eingeborne hauß armen leut/daß das mußig gon vertrieben werd/vnnd die betriegerey abkom. Wenn das die Behem sehen werden/so werden sie es in allen sachen mit vns halten/dañ darumb das sy hievor jnen selbs wider die geertzigen pfaffen vnd geistlichkeit geholffen vnd geraten haben/seind sy daran verhindert worden. So werdens die Briechen auch mit vns halten/welche(als sy der Ppffst tyrannisch vnd wutterisch regiment vñd wesen weder wolten noch kundten leiden)seind sy auff der Romer eingeben nun lang zeit fur schismatici oder zertrenner der Christlichen eintracht gehalten worden. Also werden auch die Keussen die vnsern vñ Christen werden/welche als sy in nechstuegangenen jaren wolten Christen werden/seind sy von jm in irem furnemen durch den allerheyligsten abgerungen worden/der von jnen gefordert hat/jm jerlich viermal hundert tausent guldin zugebenn. Also werden vns auch die Turcken nit so ser hassen vnd gram sein. Auch kein Haid vnd vnglaubigen wie vor vsach haben vns vbel zu reden/dañ bißher hat das vneerlich schentlich leben der geistlichen obern der Christen namen bey den vnglaubigen heßig verachtig vñ vnansehenlich gemacht/solt das sein das auff vnd ab farende schiflein sant Peters in den flussen vñ mer quellen errencken/die kirchen

gotes zerstoren/ vnd wie die kirchdiebischen Romanisten vnd Curti-
san schreyen die vnrein schul vnd zunfft der Epicurer vnnnd lustbegi-
rigen rufft den vngeneren rock des herren zerrissen/ oder aber durch
den zugang souiler volcker/ durch besserung vnnnd rechtfertigung in
gemain der siren des lebens vnd wesens/ vnnnd durch ablegung der
vergiftten bosen exempel vnd vorbild/ rainigen/ erheben vñ meren.
Derwegen sieht E. C. G. wie gar die mainung nit ist das die chris-
lich vnd briederlich lieb sol vertilget werden/ sonder das nach hin-
legung der ding die darzu hinderung thunt/ darzu raum vnnnd stat
geben vnnnd gemacht werd. Wie gar mein mainung nit ist das die
christlich kirch zerstoret werd/ sonder das die betriglichen ferlichen
Antichristen vertriben vnnnd verjagt werden/ vnnnd frumen rechten
Christen/ vnd die eins gutten lebens seind/ die kirchen zu verwalten
versorgen vnd versehen ein zugang geben werd. Demnach wirt diff
furnemen nichts anders sein/ dan die christlich lieb wider auff brin-
gen/ die kirchen meren/ vnd in des das man in gemain der ganzen
Christenheit hilfft/ dem vatterland merckliche furderung vnd vor-
tail erzaigen. Dan die gleichs wesens stands vnnnd willens seind/
seind leichtlich eintrechtig vnd fridlich gegen einander/ vñ die eins
gotlichen lebens seind/ müssen von not wegen einander lieb haben.
Weñ wir nun die muffigen vnd faulen premen oder humeln vertri-
ben haben/ so werden die honigbungenden pyn zufliegen/ welche on
vnser sorgfelickeit dise pynstock widerumb vol honigs setzen wer-
den/ dan die reichumben werden nit sein ein raytzung vnnnd verur-
sachung zu vntugenden. So wirt auch die vberschwencklicheit der
guter nit zu ein bosen leben ziehen. D wolt got dz einweder jr darzu
willen vnd naygung hetten die jr es zethun vermiigt/ oder aber das
ich des vermiigens wer der den mit syn vnd willen darzu hat. Vnd
so ich euch nit wird miigen bewegen vnd erregen/ vnnnd anderstwa
auch nit ein fewr erwecken/ durch welchs dise dinng verbrent wer-
den/ so wil ich doch das ich allein zethun vermag nichts thun das
einem vesten vnd vnerschrocknen vom Adel vbel anstat/ vnd nymet
mer weil ich bey gutter vernunfft sein wird das wenigest von mei-
nem furnemen abtreten. Aber ewer die ich wurd sehen von der mäs-
lichen stercke vnd feste fallen (so ich es anders sehen wird) mich er-
barmen vnd ein mitleyden mit euch tragen/ vnnnd wil frey beleiben:

daß ich fürcht den tod nit. Es sol nymer mer vom Hutten gehort
werden das er einem frembden König wie groß vnd mechtig der ist/
vñ vil weniger dem vntertigen Papsst dienstbar vñ vnderthenig sey.
So gar wird ich nit zusampt euch dasselbig vilhauptig wild thier
anbeten/nit allein darumb das es wider mein natur ist/vñ das ichs
darfur halt es stand mir vbel an/vñ sey mir vnerlich/sonder auch
am meysten darumb/das ich mich wird forchten vnd besorgen/es
mochten die trinckgeschitz des gotlichen zorns wider mich außge-
schutet werden. Aber jetzo verlaß ich die stet/darüb das ich die war-
heit nit kan verlassen/vñ lig innen auffs aller freyest/darumb das
ich nit kan frey vnder den leuten sein/mit grosser verachtung der ge-
ferlichkeit die mich vmbbringt vñ vmbgeben hat/dañ ich kan sterben/
aber ich kan nit vnerlich vnderworfen vnd dienstbar sein. Ich kan
auch nit sehen/das die Teutsch nation vnerlich dienstbar sey/aber
ich halt/ich wol einest auß disen winckeln hinauß brechen vñ fallen
vñ der Teutschen treu vñ glauben anruffen/vñ vileicht an dem ort
da die aller gross versamlung der leut sein wirt mit lauter stim schrei-
en. Nun wer darff mitsampt vñ neben dem Hutten vmb gemainer
freyheit willen sterben. Wiß hab E. C. G. ich mit merer freyheit auß
bewegung meines gemuts/dañ gegen E. C. G. woll billich besche-
hen solt/angezeigt/aber ich hab trostliche gute hoffnung zu E. C. G.
gehabt/vñ derhalben es darfur gehalten/ich solt zu einnem freyen
frey vnd vnerschrocken schreiben. E. C. G. gehab sich glücklichlich
vnd errege sich. Geben zu Eberburg/an der dritten Idus des Septem-
bers das ist am afftermontag nach vnser lieben frauen geburt. Im
jar nach der geburt vnser herren. 1520.

E. F. G.

Vndertheniger diener

Oleich vom
Hutten.



